


CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY.


UNIVERSAL
MAR 31 1959

2252.8/3059
2252.8/3059

洞庭秦氏宗譜

第二
誥勅
年譜





御製皇極經世一

皇極經世一

皇極經世一

效古

目十次

同治癸酉重鐫

智字第四十六
給發二十六世
孫名效占印藏

洞庭秦氏宗並

給發宗譜
緊不收費

詠烈堂藏版

勅授秦伯齡文林郎雲南澂江府河陽縣知縣

奉

天承運



皇帝制曰朕聞昔君天下者設官分職以成治功

雖秩有大小自下而上自上而下无乃賞罰焉

專符為信情意交孚所以誠之至也朕倣古制

授爾以官給爾以符往盡爾心恪勤乃事給由

來觀朕將合焉以考爾績其敬之哉

來臨洲際合銀以等爾意其海之結
 對爾以首命爾以將封蓋爾心亦德以事命
 車登以首命爾意交乎德以爾之至也知
 爾與有大小自不而止自止而天以當
 皇帝隨日想爾昔天不齊爾言心德以
 天承運

奉

陳對秦自備文林源雲南端耳欲

誥贈秦鏡父母

未奉于與夫賢三數而德以開遠爾德其

天承運

皇帝勅曰與稽古訓田陳修疆畎兆自敷菑梓材

勅塗飾丹蘄始諸樸斷宛鳩之翰原菽而口口口

口乘駟之駟有穀而孫子是詒維爾秦文羽乃

延平府將樂縣儒學訓導秦鏡之父瞿瞿良士

藹藹吉人好善樂施孝友本德於天成秉真守

正芳規著評乎月旦琴劍春風襟懷挹四時之
趣詩書夜雨貽謀垂一德之傳美裕諸躬昌流
厥後茲以覃恩贈爾爲登仕郎龍章誥賁煥三
錫之絲綸馬鬣封高耀重泉之窀穸
勅曰於傳有之古者胎教有方用是家多令子母
天承訓克廣所以朝有純臣文伯小子備官而聞所
未聞子輿大賢三遷而教以開教爾張氏乃延
平府將樂縣儒學訓導秦鏡之母毓秀名家儷

英淑士佐孝思於朝夕備順婦於明章井曰多
親桓少君悉歸侍從絲機手織竇蘇蕙兼以迴
文刻勤訓子寬和御下是用覃恩贈爾爲孺人
嗣彤管以揚芬耀玄扃而生色

勅曰婦道允宜莫大乎無違夫子母儀克著莫過
乎啟佑後人苟遺德之可矜豈袞袞之或後爾
王氏乃延平府將樂縣儒學訓導秦鏡之繼母
貞潔冰操瑩晶雪凜綦縞爲粧儉其身而隆孝

養立黃在織修厥事以盡躬勞載薦蘋蘩之信
頌此有齊式調鳧雁之宜懷其靜好教彰畫荻
名比和丸茲以覃恩贈爾為孺人有赫絲綸之
德重用增松檟之輝

英明士於春風以成時之論

誥封秦永昌父母

天承運泉

皇帝制曰錫類乃朝廷之典報本為人子之心爾

秦廷鉉乃江南鎮江府儒學訓導加一級秦永

昌之父修身克敦古訓教子無忝義方茲以覃

恩馳封爾為登仕郎江南鎮江府儒學訓導加

一級錫之敕命於戲承茲優渥永茂忠勤

同至

制曰奉職在公嘉教勞之有自推恩將母宜錫典
之攸隆爾江南鎮江府儒學訓導加一級秦永
昌之母屠氏壺範宜家夙協承筐之媿母儀詒
穀載昭畫荻之芳茲以覃恩馳封爾為孺人於
皇戲彰淑德於不瑕式榮象服膺寵命之有赫永

天承賁泉壚

康熙五十二年三月十八日

誥諭秦命昌之母寶

誥贈秦世鈞祖父母

命奉

天承運

皇帝制曰考績報循良之最用獎臣勞推恩溯積
累之遺載揚祖澤爾秦自璋迺捐職布政司理
問加二級秦世鈞之祖父錫光有慶樹德務滋
嗣清白之芳聲澤留再世衍弓裘之合緒祐篤
一堂茲以爾孫克襄王事馳贈爾為奉直大夫

錫之誥命於戲聿修念祖膺茂典而益勵新猷
有穀貽孫發幽光而不彰潛德

制曰册府酬庸聿著人臣之懋績德門輯慶式昭
大母之芳徽爾葉氏迺捐職布政司理問加二
星級秦世鈞之祖母箴誠揚芬珩璜表德職勤內
天助宜家久著其賢聲澤裕後昆錫類式承乎嘉
命茲以爾孫克襄王事貽贈爾爲宜人於戲播
徽音於彤管壺範彌光膺異數於紫泥天庥允

劭

制 誥

道光貳年拾貳月拾貳日

之 寶

錫之誥命於世宗... 有設贈孫... 制曰册府...

大母之芳徽... 級秦文鈞之寶... 命茲歸爾孫...

命茲歸爾孫... 命茲歸爾孫... 命茲歸爾孫...

命茲歸爾孫... 命茲歸爾孫... 命茲歸爾孫...

誥贈秦世鈞父母

奉

天承運

皇帝制曰資父事君臣子篤匪躬之誼作忠以孝

國家宏錫類之恩爾秦用中迺捐職布政司理

問加二級秦世鈞之父善積於身祥開厥後教

子著義方之訓傳家裕堂構之遺茲以爾子克

襄王事贈爾為奉直大夫錫之誥命於戲殊榮

必逮於所親寵命用光夫有子欽茲優渥長茂
忠勤

制曰奉職在公嘉教勞之有自推恩將母宜錫典
之攸隆爾鄭氏迺捐職布政司理問加二級秦
世鈞之母壺範宜家夙協承筐之媿母儀詒穀
載昭畫荻之芳茲以爾子克襄王事封爾爲宜
人於戲彰淑德於不瑕式榮象服膺寵命之有
赫益賁徽音

制 誥

道光貳年拾貳月拾貳日

之 寶

必達於所親能命用光夫有子欽若

前日本職在公嘉教勞之有自姓恩

之攸隆爾鄭氏迺捐職布政司理問

世鈞之母盛範宜家以協承筐之

敬昭文秋之實茲以爾子克襄王事

後世續爭命流其德流日式榮象

赫行歸最著

誥贈秦潮祖父

奉

天承運

皇帝制曰考績報循良之最用獎臣勞推恩溯積

豈累之遺載揚祖澤爾秦美中迺捐職州同加二

級秦潮之祖父錫光有慶樹德務滋嗣清白之

芳聲澤留再世衍弓裘之令緒祐篤一堂茲以

爾孫克襄王事賜贈爾為奉直大夫錫之誥命

於戲聿修念祖膺茂典而益勵新猷有穀詒孫
發幽光而不彰潛德表之合辭旅第一堂茲以

道秦誥之厥命

道光四年十二月十日

皇帝誥之

天承敷

奉

誥飭秦贈厥父

誥贈秦潮父母

奉

天承運

皇帝制曰資父事君臣子篤匪躬之誼作忠以孝

國家宏錫類之恩爾秦世錡廼捐職州同加二

級秦潮之父善積於身祥開厥後教子著義方

誥之訓傳家裕堂構之遺茲以爾子克襄王事贈

爾為奉直大夫錫之誥命於戲殊榮必逮於所

親寵命用光夫有子欽茲優渥長此忠勤
 制曰奉職在公嘉教勞之有自推恩將母宜錫典
 之攸隆爾葛氏迺捐職州同加二級秦潮之母
 壺範宜家夙協承筐之媿母儀詒穀載昭畫荻
 皇之芳茲以爾子克襄王事贈爾為宜人於戲彰
 天承淑德於不瑕式榮象服膺寵命之有赫允賁泉
 壚奉
 誥勅
 命

道光四年十二月十一日

之寶

道光四年十一月十一日

誥勅

之儀臣爾為公家教勞之有旨臣在恩德...
之儀臣爾為公家教勞之有旨臣在恩德...
之儀臣爾為公家教勞之有旨臣在恩德...
之儀臣爾為公家教勞之有旨臣在恩德...
之儀臣爾為公家教勞之有旨臣在恩德...
之儀臣爾為公家教勞之有旨臣在恩德...
之儀臣爾為公家教勞之有旨臣在恩德...
之儀臣爾為公家教勞之有旨臣在恩德...
之儀臣爾為公家教勞之有旨臣在恩德...
之儀臣爾為公家教勞之有旨臣在恩德...

誥贈秦嘉樂祖父母曾異燮千崇誠天朴式恪

同茲奉爾爾京襄王專願爾為宜人效勉辭

天承運宋入著其寶聖聖符封且懸朕左承平嘉命

皇帝制曰考績報循良之最用獎臣勞推恩溯積

累之遺載揚祖澤爾秦世鈐迺布政司理問銜

時加二級秦嘉樂之祖父錫光有慶樹德務滋嗣

清白之芳聲澤留再世衍弓裘之令緒祐篤一

堂茲以爾孫克襄王事馳贈爾為奉直大夫錫

之誥命於戲聿修念祖膺茂典而益勵新猷有
穀詒孫發幽光而不彰潛德表之令

制曰冊府酬庸秉著人臣之懋績德門輯慶式昭

夫母之芳徽爾

蔡蘇

氏迺布政司理問銜加二級

皇秦嘉樂之祖母箴誠揚芬珩璜表德職勤內助

天承宜家夙著其賢聲澤裕後昆錫類式承乎嘉命

茲以爾孫克襄王事馳贈爾為宜人於戲播徽

音于彤管壺範彌光膺異數于紫泥天休允劭

誥命

同治柒年拾貳月貳拾日

之寶

於所親寵命用光夫有子欽茲優渥益勵忱恂
制曰奉職在公嘉教勞之有自推恩將母宜錫典

之攸隆爾

徐徐

氏迺布政司理問銜加二級秦嘉

樂之母壺範宜家夙協承筐之媿母儀詒穀載

皇昭畫荻之芳茲以爾子克襄王事贈爾為宜人

於戲彰淑德於不瑕式榮象服膺寵命之有赫

允賁泉壚

制曰奉職在公嘉教勞之有自推恩將母宜錫典

之攸隆爾蔡氏迺布政司理問銜加二級秦嘉

樂之母壺範宜家夙協承筐之媿母儀詒穀載

昭畫荻之芳茲以爾子克襄王事封爾為宜人

於戲彰淑德於不瑕式榮象服膺寵命之有赫

益賁徽音

誥 命

同治柒年拾貳月貳拾日

之 寶

於所及家命實尤夫有子飲茲優渥益感
 同命來華此漢日須命日有自推恩特母宜錫
 之攸諧爾命遇布政司理問衙加三級奉嘉
 益實燭音範宜家夙協承任之職母儀
 飲建漢成勳效不難左榮榮與孰命之存
 留畫其文茂茲及爾千京襄玉事佳爾為宜
 樂之授宜宜宜宜宜宜宜宜宜宜宜宜宜
 制之外則爾榮其功亦宜同與問問問問問問

誥贈秦觀榮祖父母

天承運

同共奉爾爾京襄王事與爾爾宜人外
 皇帝制曰考績報循良之最用獎臣勞推恩溯積
 累之遺載揚祖澤爾秦德章迺布政司理問加
 備五品銜秦觀榮之祖父錫光有慶樹德務滋嗣
 清白之芳聲澤留再世衍弓裘之令緒祐篤一
 堂茲以爾孫克襄王事賜贈爾為奉政大夫錫

之誥命於戲聿修念祖膺茂典而益勵新猷有
 穀貽孫發幽光而不彰潛德表之命辭
 制日冊府酌庸聿著人臣之懋績德門輯慶式昭
 大母之芳徽爾蔡氏迺布政司理問加五品銜
 皇秦觀榮之祖母箴誠揚芬珩璜表德職勤內助
 大承宜家久著其賢聲澤裕後昆錫類式承乎嘉命
 茲以爾孫克襄王事馳贈爾為宜人於戲播徽
 音於彤管壺範彌光膺異數於紫泥天庥允劭

誥命

同治玖年貳月貳拾日

之寶

皇帝制曰資父事君臣子為匪躬之誼作忠以孝
 國家宏錫類之恩爾秦士洪迺布政司理問加
 五品銜秦觀榮之賢善積於身祥開厥後教子
 著義方之訓傳家裕堂構之遺茲以爾子克襄
 王事封爾為奉政大夫錫之誥命於戲殊恩

之誥命於戲事修念祖膺茂典而益勵新猷有
 製貽孫發幽光而不彰潛德
 制曰冊府時庸率著人臣之懋績德門新慶式
 大母之芳徽爾秦氏迺布政司理闕加五品
 秦觀榮之祖母篤誠揚芬珩表德職勤內助
 宜家文著實實聲澤裕後昆錫類式承乎嘉命
 同密庭平瀕且瀕日地贈爾為宜人於戲播
 音於誥管命範彌光膺異數於紫泥天庥允

誥贈秦觀榮父母

同欽奉運通濟欽不肆左榮果與觀審命之育赫

天承運畫蒸之裝茲以爾于克襄王事佳爾為宜人

皇帝制曰資父事君臣子篤匪躬之誼作忠以孝

國家宏錫類之恩爾秦士洪迺布政司理問加

歸五品銜秦觀榮之父善積於身祥開厥後教子

著義方之訓傳家裕堂構之遺茲以爾子克襄

王事封爾為奉政大夫錫之誥命於戲殊恩必

逮於所親寵命用光夫有子尙宏佑啟益勵忱
恂善式之履斯案谷堂赫之數茲以爾子京襄
制日奉職在公嘉教勞之有自推恩將母宜錫典
之攸隆爾何氏迺布政司理問加五品銜秦觀
皇榮之母壺範宜家夙協承筐之媿母儀貽穀載
天承昭畫荻之芳茲以爾子克襄王事封爾爲宜人
於戲彰淑德於不瑕式榮象服膺寵命之有赫
益賁徽音榮父母

誥命

同治玖年貳月貳拾日

之寶

淮海先生年譜

謹案先生年譜

錫

舊時藏有曾大父雪巖公手

鈔本乙酉春又獲見錫山宗譜小峴侍郎重編

大音先生本兩相印證大同小異而此本經小

峴先生辨誤補闕又得少詹錢辛楸師釐正尤

為善本茲重刊洞庭宗譜列之卷首非掠美也

始祖一生行實凡為子孫者當人人誦悉云爾

宋中三十世孫韭溪支清錫識

宋仁宗皇祐元年己丑先生生

先生姓秦氏名觀字太虛改字少游別號邗溝居士學者稱爲淮海先生先世居江南中徙維揚爲高郵州武凝鄉左廂里人大父承議府君諱某父元化公諱某師事胡安定先生瑗有聲太學母戚氏案先生文集書王氏齋壁云皇祐元年余先大父赴官南康道出九江余實生焉

皇祐二年庚寅

皇祐三年辛卯

皇祐四年壬辰先生年四歲

大父承議府君官滿受代猶寓止僧舍未幾代者卒王叔瞻之先君來領其職事通家相好也

見書王氏

齋壁

皇祐五年癸巳

至和元年甲午先生年六歲

或書皇祐六年是年二月太史言日當食改至

和

先生始入小學父元化公游太學歲時歸覲具言太學人物之盛數稱海陵王君觀高才力學遂以其名名先生

案李氏王夫人墓誌銘但言元化公稱王君觀及其從弟覲而不言名先生名先生之說見之大舊譜然王君觀從弟名覲而先生之季弟亦名覲或取二王之名先後以名其子似可信也又案王夫人墓誌銘言至和中先君游太學不指

元年至和首尾幾及三年恐係至和二年事亦未可定

至和二年乙未
嘉祐元年丙申
或書至和三年是年九月謝天地改嘉祐

嘉祐二年丁酉
嘉祐三年戊戌先生年十歲

通孝經語孟大義

嘉祐四年己亥

同至

年譜

三

承

嘉祐五年庚子

嘉祐六年辛丑

嘉祐七年壬寅

嘉祐八年癸卯先生年十五

丁父元化公憂

英宗治平元年甲辰

治平二年乙巳

治平三年丙午

治平四年丁未先生年十九

娶徐氏名文美潭州宜鄉縣主簿徐成甫女

案徐君主簿行狀成甫初娶張氏繼娶蔡氏子

五人文通文仲文剛文饒文昌女三人文美文

英文柔先生之配蓋徐氏長女也

神宗熙寧元年戊申

熙寧二年己酉先生年二十一

作浮山堰賦

熙寧三年庚戌先生年二十二

叔父定登葉祖洽榜進士第授會稽尉

案大音先生鏞云高郵譜定先生諸父仕至端

明殿學士卒葬江都西山秦家莊有秦端明定

墓又案會稽尉至元豐三年始得代疑屬遷調

非進士初官

熙寧四年辛亥

熙寧五年壬子先生年二十四

好讀兵家書作單騎見虜賦書屯田郎中俞汝

尚墓表甲施元之東坡詩註退翁之卒孫莘老以

為事類龐公為表其墓秦少游為書之

案汝尚字退翁吳興人孫莘老於熙寧四年十

二月自廣德移守吳興六年春移守廬州東坡

有詩送之在寒食後

俱見施注

墓表之作必在守吳

興時先生以同鄉在其幕府故為書之

案記夢答劉全美七古起三句云歲逢困敦斗

指甲辰次庚辰漏傳子蓋子年七月庚辰日也
 考元豐七年甲子紹聖三年丙子七月皆無庚
 辰李燾長編熙寧五年壬子六月己酉朔閏七
 月戊申朔詩中所云辰次庚辰者七月初二日
 也

熙寧六年癸丑

熙寧七年甲寅先生年二十六

聞眉山蘇公軾為時文宗欲往遊其門未果會蘇

公自杭倅徙知密州道經維揚先生預作公筆語

題於一寺中公見之大驚及晤孫莘老出先生詩

詞數百篇讀之乃嘆曰向書壁者必此郎也遂結

神交

熙寧八年乙卯先生年二十七

外父徐成甫卒繼室蔡氏殉焉為撰行狀及蔡氏

哀詞

熙寧九年丙辰先生年二十八

同孫莘老參寥子訪漳南老人於歷陽之惠濟院
浴湯泉遊龍洞山謁項羽祠極山水之勝得詩三

十首湯泉賦一篇孫莘老詩云川谷閼深阻天時

正莽蒼聊同不速客來浴自然湯茂宰霽休政道

人棲淨坊况如登十地熱惱頓清涼先生次韻和

之

熙寧十年丁巳先生年二十九部給莘老出夫主請

蘇公自密州徙知徐州先生乃往候公於彭城贈

之以詩云人生異趣各有求繫風捕影祇懷憂我

獨不願萬戶侯但願一識蘇徐州徐州英偉非人

力世有高名擅區域珠樹三株詎可攀玉海千尋

真莫測一昨秋風動遠情便憶鱸魚訪洞庭芝蘭

不獨庭中秀松柏仍當雪後青故人持節過鄉縣

教以東來償所願天上麒麟昔漫聞河東鸞鷲今

纔見不將俗物擬天真北斗已南能幾人八埒學

士風標遠五馬使君恩意新黃塵冥冥日月換中

跋湯泉賦後

案查慎行蘇公年表是年秦少游將入京應舉
至徐謁公黃魯直以古風二首上公黃秦二君
奉教於公始此蓋不詳前一年先見公於彭城
也蘇公年表始此二字誤

元豐二年己未先生年三十一

正月十五日作五百羅漢圖記將如越省大父承
議公及叔父定於會稽會蘇公自徐徙知湖州遂

與偕行過無錫遊惠山和唐人韻三首蘇公及參
寥子同賦又會於松江至吳興泊西觀音院端午
日同公遍遊諸寺尋別蘇公至德清道中作詩還
寄遂如越七月聞蘇公下詔獄亟渡江至吳興問
訊得實乃復自吳興過杭中秋後一日同參寥子
月夜杖策度風篁嶺謁辯才法師於潮音堂作龍
井題名記又別作龍井記乃東遊鑑湖謁禹廟憩
蓬萊閣是時給事廣平程公闢領越州先生相得

歡甚多登臨唱酬之什作會稽唱和詩序錄寶林
禪院事實又作會稽懷古諸詞歲暮始還高郵除
夕抵家是歲十二月蘇公謫黃州團練副使
案先生龍井題名記元豐二年中秋後一日余
自吳興過杭東還會稽龍井辯才法師以書邀
余入山比出郭已日夕航湖至普宜遇道人參
寥問龍井所遣籃輿則曰以不時至去矣是夕
天宇開霽林間月明可數毛髮遂棄舟從參寥

杖策出湖而行出雷峯度南屏濯足於惠因澗

入靈石塢得支徑上風篁嶺憩龍井亭酌泉據

石而飲之自普宜經佛寺十皆寂不聞人聲道

旁廬舍或燈火隱顯草木深鬱流水激激悲鳴

殆非人間有也行二鼓矣始至壽聖院謁辯才

於潮音堂明日乃還又案先生客會稽作滿庭

芳詞卽山抹微雲之篇蘇公極賞此詞戲呼先

生爲山抹微雲君

又案藝苑雖黃云范祖禹之子元實乃少游壻也爲人疑

重終日不言有妓問之曰公亦解詞
曲否答曰吾乃山抹微雲君女塔也

元豐三年庚申先生年三十二

是歲鮮于公侁字子駿爲揚州守待先生以禮爲
作揚州集序邵彥瞻爲揚州從事爲作集瑞圖序
春二月作書唁蘇公於黃州公弟子由將赴高安
過高郵相從兩日先生送至邵伯埭贈詩而還子
由和詩有曰筆端大字鴉棲壁袖裏新詩句琢冰
送我扁舟六十里未嫌罪垢汙交朋子由留廣陵

甚久先生值寒食土塚不得從已而屬和其廣陵
諸詩四月爲杭州法惠院言師作雪齋記入夏得
中暑疾秋復大劇浹月始安時黃魯直將赴泰和
令李端叔自楚如晉陵皆過訪魯直攜敝帚焦尾
兩編先生爲之心折別次揚州以書來爲先生手
寫龍井雪齋兩記字畫精美先生卽寓書參寥子
寄錢塘僧勒石焉冬十一月得蘇黃州書是歲
先生與李樂天簡云去年如越省親會主人見留

辭不獲去又貪此方山水勝絕故淹留歲暮耳自
還家來比會稽人事差少杜門卻埽日以文史自
娛時復扁舟循邗溝而南以適廣陵泛九曲池訪
隋氏陳迹入大明寺飲蜀井上平山堂折歐公所
種柳而誦其所賦詩爲之喟然以歎遂登摘星寺
寺迷樓故址也其地最高若金陵海門諸山歷歷
皆在履下其覽眺所得佳處不減會稽望海亭但
制度差小耳僕每登此竊心悲而樂之人生豈有
常所遇而自適乃長得志也以閣下趣尙高遠得
以發其狂言

元豐四年辛酉先生年三十三

春正月先生叔父定自會稽得替便道取疾入京
改官先生侍大父承議公還高郵又安厝亡嬪於
揚州入夏與弟靚靚兩先生習制科之文秋應省
試題名尋答蘇黃州書云辱誨諭且令勉強科舉
如某者豈敢求異於時但長年頗慙爲兒女子所

嗤笑耳得公書重以親老之命頗自摧折不復如
向來簡慢盡取今人所謂時文者讀之就其體作
數首輒有見推可者因以應試遂亦蒙見錄今復
加工如求應舉時矣冬十月作徐氏張夫人墓誌
銘遂西行赴京師

元豐五年壬戌先生年三十四

先生應禮部試罷歸過南陽新亭有詩寄王子發
遂如黃州候蘇公於官舍作弔罇鍾文過廬山訪

大覺璉公南遊玉笥而歸秋九月作圓通禪師行
狀圓通賢達觀穎禪師之法嗣也是歲大父承議
公卒

案大音先生鏞曰先生遊廬山玉笥於詩文無
可考唯圓通院白衣閣絕句三首及後九年作
俞紫芝字序述昔遊玉笥山訪蕭子雲故隱道
見靈芝生乎磐石之上愛玩久之俄遇童子老
人共譚其事甚奇因附見於此又元豐七年蘇

公遊廬山跋先生所與辯才題名疑卽此時所
題也 又案若舫先生鈞儀云武昌府嘉魚縣
太平湖相傳水嘗涸時夜有光怪或誌其處而
掘之得銅鐘一明一統志云宋秦觀爲弔罇鐘
文卽此

元豐六年癸亥先生年三十五

先生取經傳子史之文選輯得若干卷題曰精騎
集自爲之序曰予少時讀書一見輒能誦暗疏之

亦不甚失然負此自放喜從滑稽飲酒者游旬朔
之間把卷無幾日故雖有強記之力而常廢於不
勤比數年來頗發憤自懲艾悔前所爲而聰明衰
耗殆不如曩時十一二每閱一事必尋繹數終掩
卷茫然輒復不省故雖有勤苦之勞而常廢於善
忘嗟夫敗吾業者常此二物也比讀齊史見孫奉
答邢詞云我精騎三千足敵君羸卒數萬心善其
說因取經傳子史事之可爲文用者得若干條勒

爲若干卷題曰精騎集云噫少而不勤無如之何
矣長而善忘庶幾以此補之是歲代俞次臯作
御書手詔記李氏王夫人墓誌銘夫人如臯王觀
之母也又作曾子固哀詞亂曰天不憖遺一老兮
固縉紳之所傷矧不肖以薄技兮早獲進於門牆
先生與南豐交始末未詳據哀詞則其所從游舊
矣

案先生蠶書子閒居婦善蠶從婦論蠶作蠶書

考之禹貢揚梁幽雍不貢繭物充篚織文徐篚
元織縞荆篚元纁織組豫篚織纁青篚麋絲皆
繭物也而桑土旣蠶獨言於充然則九州蠶事
充爲最乎子遊濟河之間見蠶者豫事時作一
婦不蠶比屋詈之故知充人可爲蠶師今予所
書有與吳中蠶家不同者皆得之充人也先生
自高郵至汴必經充境此當自京師歸閒居所
作又按逆旅集自序亦云余閒居有所聞輒書

記之然皆未詳年月無從編次附載於此

元豐七年甲子先生年三十六

當自京師觀閣

正月蘇公量移汝州七月過金陵謁王荆公既別去復致書曰向屢言高郵進士秦觀太虛公亦粗知其人今得其詩文數十首拜呈詞格高下固無以逃於左右獨其行義修飭才敏過人有志於忠義者某請以身任之此外博綜史傳通曉佛書講習醫藥明練法律若此類未易以一二數也才難

之歎古今共之如觀等輩實不易得願公少借齒牙便增重於世其他無所望也荆公答書曰得書知尚盤桓江北俯仰逾月不勝感悵示及秦君詩適葉致遠一見亦謂清新嫵麗鮑謝似之公奇秦君口之而不置我得其詩手之而不釋又聞秦君嘗學至言妙道無乃笑我與公嗜好過乎餘卷正眊眩未暇細讀嘗鼎一臠旨可知也愈遠自愛不宣先生以小像寄蘇公索贊公舟至竹西報書

尋作贊曰以君爲將仕耶其服野其行方以君爲將隱耶其言文其神昌置而不求君不卽卽而求之君不藏以爲將仕將隱者皆不知君者也蓋將挈所有而乘所遇以游於世而卒返於其鄉者乎
冬十月先生與蘇公會於金山先生將赴京師索文稿刪其可存者得古體詩一百十二雜文四十有九篇從遊之詩附見者五十有六合二百一十七篇次爲十卷號淮海閒居集

案大音先生鏞云荆公自熙寧九年罷相以使相判江寧府凡數年矣先生所居止一江之隔非若徐黃之數千里也使先生肯就從遊亦何待蘇公之介紹哉然先生不以近相取而以遠相求其趣操可觀矣世乃以先生爲文章之士何哉然而蘇公且惓惓若此者蓋是時荆公落莫已久且捨宅爲寺

王安石奏施金陵舊第爲寺賜額保寧在熙寧十年

蘇公自黃來流連欵洽以故人相託自是友朋

文章道義氣誼在世局之外者也先生蘇公兩
得之矣又案是年蘇公跋先生廬山題名云某
與大覺禪師別十九年矣禪師脫屣當世雲棲
海上謂不復見記乃爾拳拳耶撫卷太息欲一
見之恐不可復得會與參寥師自廬山之陽竝
出而東所至皆禪師舊跡山中人多能言之者
乃復書於太虛辯才題名之後以遺參寥太虛
今年三十六參寥四十二某四十九辯才七十

四禪師七十六矣此吾五人者當復相從乎生
者可以一笑死者可以一歎也元豐七年五月
十九日慧日院大雨中書鏞按此跋見蘇公與
先生交真道味蕭然遊方之外者也及其過金
陵又復惓惓若此者嗚呼此其所以爲蘇公與
元豐八年乙丑先生年三十七

先生登焦蹈榜進士第作謝及第啟云淮海孤生
衣冠末系志在流水嘗辱子期之知困於鹽車頗

爲伯樂之顧徒以爲養而求仕故雖被黜以忘慚
豈意力田而逢年亦稱長袖而善舞太羹焉用以
貴本而不遺昌歎甚微緣嗜偏而見取方賢書之
上獻俄吏議之旁連竊鉄致疑事非在我解驂見
贖世鮮其人尙賴平反卒蒙昭雪折劍旣以重鑄
死灰因而復然究其倚伏之難常益信窮通之有
定屬明皇之繼照推睿澤以橫流特免試言徑躋
仕版云云上王岐公論薦士書上呂申公晦叔書

先生慕馬少游之爲人改字少游陳無已師道

爲作字序 除定海主簿尋調蔡州教授奉母夫

人赴蔡州任

錫案舊譜此下有書王氏齋壁云云今從錢辛楣先生更繫於四年

蘇公未至汝乞居常州尋以常州團練副使復朝

奉郎知登州召爲禮部郎中先生具啟致賀 是

歲有到任謁先師文神宗皇帝晏駕功德疏虞氏

夫人墓誌銘

與前韻次之皆前賢述其公

哲宗元祐元年丙寅先生年三十八

先生在蔡州任是歲太皇太后皇太后上尊號受

冊及坤成節與龍節先生皆作賀表為太守某公

作錫案舊譜云為向公作辛楣先生云先生赴蔡

州任其時劉貢父實知州事其二年三年未知

何人作守至四年向宗回任郡守則賀表未可定為向公作

劉貢父放赴京

過汝南先生作詩送之曰觀也本諸生早與世參

商方枘不量鑿交親指為狂末路辱公知賜出非

所望相期古人處豈止事文章汝南雖與區校官

實始張解鞅百無有棲棲寄僧坊築室從有徒皆

公借餘光一壺千金值所濟在倉皇萬里猶比鄰

別離無足傷何以報公德修好以為常是歲作

汝水漲溢說王定國註論語序瀘州使君任公墓

表 蘇公為翰林學士

案舊譜於元豐八年載是歲有登第後青詞考

之青詞內輒取甲寅之歲句疑是丙寅之譌因

編次於此 元祐二年丁卯先生年三十九

先生在蔡州任四月復制科蘇公與鮮于公侁共
以賢良方正薦先生於朝先生致鮮于公書曰觀
以聲聞過情深爲同進所忌閉關卻掃罪惡日聞
詔書比下明公首以觀充賦乃知君子之所爲自
有常度豈以顯晦數疏而易其意哉汝南雖當孔
道人事絕少風氣和平魚稻蔬果不減於淮海士
子亦樂於相從養親讀書之計極爲安便但創置
之官居處什物百色皆無自供職以來于乞營繕

殆無須臾之間久不獲進左右之間緣此故也

錫案

舊譜以此條繫於元年
今從辛楣先生更正

先生弟少章先生觀客

京師游張文潛黃魯直之門家構小室魯直以寄
寂名其齋贈之以詩先生亦作詩寄觀觀兩先生
是歲作鮮于子駿行狀爲高符仲書王摩詰輞
川圖後跋高无悔書卷

案山谷集是年有晁張和答秦觀五言次韻詩
云山林與心違日月使髡換儒衣相詬病文字

奉娛玩自古非一秦六籍蓋多難詩書或發冢
熟念令人惋秦子銳本學驥子已血汗相期驂
天衢伯樂嘗一盼士爲欲心縛寸勇輒尺懦要
當觀此心日照雲霧散扶疎萬物影宇宙同瓘
安璨置規豈惟君亦自警弛慢

元祐三年戊辰先生年四十

先生自汝南被召至京師爲忌者所中復引疾歸

汝南

錫案舊譜此條繫於二
年今從辛楣先生更正

蘇公軾孫公覺同

知貢舉少章觀與李方叔薦竝落而殿試榜首李
常寧先生父姑之夫也是歲書裴秀才跋尾少章
先生留京師

案大音先生鏞云先生賢書甫上而旋掛吏議
賢良方舉而卽遭擯斥才人之不幸如此蓋其
榮遇之時而已然固非待於後之遷謫也又先
生有對淮南詔獄詩未詳年月併附錄於此一
室如懸磬人音盡不聞老兵隨卧起漂母給朝

先生居蔡州夏四月蘇公力請外郡遂以龍圖閣
學士出知杭州弟子由代爲翰林學士是時洛蜀
相攻頗多附會構隙先生與黃晁諸公實不與聞
黨事也六月范公純仁罷相出知許州先生在蔡
爲屬吏特薦先生堪備著述之科檄至先生作書
以謝曰某淮海一介之士行能無取比因緣科第
獲列仕版又屬朝廷復置賢科而一二邇臣猥以
充賦名實乖戾果致多言相公當國憐其孤單不

卽聞罷使得自便引疾而歸僥倖深矣比遇相公
而某承乏之地實在節制之下疵賤無介紹不敢
以書自通眷眷私懷何以云喻豈圖相公過有採
聽首賜論薦使備著述之科檄書初至發函伏讀
且喜且懼蓋相公於某昔既有保全之賜今又有
論薦之恩顧惟狂愚何以辱此屬拘官守不得進
謝門闌又不敢具啟事以謝悃悞區區俗禮非國
士所以報知己者也惟相公裁察

錫案舊譜此條
繫於二年今從

辛楣先生更正

是歲代向宗回作勅書獎諭記書晉賢

圖後書王氏齋壁云皇祐元年余大父赴官南

康道出九江余實生焉滿歲受代猶寓止僧舍未

幾代者卒叔瞻之先君來領其職事通家相好也

至和元年叔瞻始生於南康後余迎老母來為汝

南學官也而叔瞻亦奉太夫人間居於郡之西郭

時余之先大父先人皆捐館而叔瞻之先君亦歿

於瀘州皇祐逮今四十一年錫案辛楣先生云先生文集如此譜繫此

文於元豐八年因歲數不合輒改為幾四十年中門豐悴得喪死生休戚

不可悉記獨兩家之孤各奉其母相遭於此甚可

悲也

案舊譜山谷以寄寂名少章齋贈之以詩在元

祐二年而山谷集則編次所贈詩於元祐四年

又有次韻寄少游云薛宣欲吏雲季氏或招閔

此公胸中秋萬物欲收稠賣藥偶知名草元非

近準才難不易得志大畧細謹士生要宏毅天

地爲葢軫驥來鹽車驂井下短綆引難甘呼爾
食聊寄粲然馵誰能借前籌還婦用束縵吾聞
調羹鼎異味及粉堊豈其供王羞而棄會稽筍
又戲書秦少游壁云丁令威化作遼東白鶴歸
朱顏未改故人非微服過宋風退飛宋父擁篲
待來歸誰饋百牢鸚鵡妃秦氏烏生八九子雅
烏之兄尾畢逋憶炊門牡烹伏雌未肯增巢令
汝棲莫愁野雉疎家雞但願主人印纍纍又贈

秦少儀云汝南許文休馬磨自衣食但聞郡功
曹滿世名籍籍渠命有顯晦非人作通塞秦氏
多英俊少游眉最白頗聞鴻雁行筆皆萬人敵
吾早知有覲而不知有覲少儀袖詩來剖蚌珠
的皜乃能持一鏃與我箭鋒直自吾得此詩三
日卧向壁挽士不能寸推去輒數尺才難不其
然有亦未易識又送少章從翰林蘇公餘杭云
東南淮海惟揚州國士無雙秦少游欲攀天關

守九虎但有筆力迴萬牛文學縱橫乃如此故
應當家有季子時來誰能力作難鴻雁行飛入
道山斑衣兒啼真自樂從師學道也不惡但使
新年勝故年卽如常在郎罷前又案張文潛亦
有送秦少章序

元祐五年庚午先生年四十二
先生被召至京師應制科進策三十篇論二十篇
進策序篇云淮海小臣不聞廟堂之議帷幄之謀

獨耳剝目采頗知當世利病之所以然者嘗欲輸
肝膽效情愫上書於北闕之下則又念身非諫官
職非御史出位犯分重煩有司之誅隱忍逡巡而
不敢發幸陛下發德音下明詔使大臣任舉賢良
方正能直言極諫之士將修祖宗故事而親策於
廷嗚呼此亦愚臣效鳴之秋也輒忘疎賤條其意
之所欲言者爲三十篇以獻唯陛下財擇焉旣奏
除太學博士校正祕書省書籍

錫案舊譜載有三月
初八日勅命一

道辛楣先生辨駕幸太學先生和館閣詩云原
為贗作今不錄

廟初更十二章還與詔蹕幸諸庠涵天璧水遙迎

仗映月深衣不亂行風動四夷將遣子禮行三舍

遂賓王前知此舉追虞氏果有球音發舜堂又晚

出左掖詩金爵觚稜轉夕暉翩翩宮葉墮秋衣出

門塵障如黃霧始覺身從天上歸春日呈錢尙

書戶部詩云三年京國髣如絲又見新花發故枝

日典春衣非為酒家貧食粥已多時尙書和詩餉

米再為詩以謝本欲先生一解頤頓頓煩分米慰長

飢客無貴賤皆蔬飯唯有慈親食肉糜蓋先生祿

養之誠冰蘖之操於此竝見之云錫案玩詩首句

舊譜以先生為太學博士在三年故繫於此今姑仍之先生子處度公湛

在都下應秋試未出先生獨坐興國浴室院有詩

云滿城車馬沒深泥院裏安閑總不知兒輩未來

鉤箔坐長春花上雨如絲少章先生在杭別蘇

公而歸公作太息一篇以贈之其畧云張文潛秦

少游此兩人者士之超逸絕塵者也非獨吾云爾
二三子亦自以爲莫及也士駭於所未聞不能無
異同故紛紛之言常及吾與二子吾策之審矣士
如良金美玉市有定價豈可以愛憎口舌貴賤之
與少游之弟少章復從吾游不及期年而論議日
新若將施於用者欲歸省其親且不忍去烏乎子
行矣歸而求諸兄吾何加焉作太息一篇以餞其
行使藏於家三年然後出之 是歲作龍圖閣直

學士李公擇行狀建隆慶禪師塔銘禪師卽所稱
漳南道人者也

案是年有重過興國浴室院次韻詩自序曰元
祐三年余被召至京師從翰林蘇先生過興國
浴室院始識汶師後二年復來閱諸公詩因次
韻聊移小榻就風廊卧久衣巾帶佛香白髮道
人還省記前年引去病賢良又案大音先生鏞
云慶禪師係黃龍南之法嗣先生所作銘曰鳴

呼我師法妙難思與物竝作而不磷淄經論老
莊卜筮方藥是皆黃龍佛手驢腳我從中證決
定無疑非遷陀客當大笑之山河旣露水鳥又
談能事畢矣汝復何參少賈之雄老禪之伯求
其異相亦不可得有桐崑崙南直海門盡未來
際我師長存先生又嘗作慶和尚真贊云大因
緣十八年結跏坐帶刀眠涉鼻孔未撩天呼我
作無事禪又禪師高郵乾明諸開堂疏皆先生

作語多透宗蓋先生所交禪衲如參寥辯才無
擇輩皆以詩文相契而其參究宗乘則得諸慶
禪師爲多亦猶坡公之於總老魯直之於晦堂
也蘇公嘗稱先生通曉佛理殆不誣矣先生又
嘗有秋懷詩云暮有二客至俱以能禪聞一枝
惠林出一派智海分言各不相可往來劇絲棼
謝客姑舍是妨余醉看雲又案山谷是年題少
章詩卷云少章別來文字疊疊日新不惟助秦

氏父兄歡喜子與晁張諸友亦喜交游聞當復
得一國士然力行所聞是此物之根本冀少章
深根固蒂令此枝葉暢茂也

元祐六年辛未先生年四十三

先生在京師弟少章先生登馬涓榜進士第調仁
和主簿張文潛有送秦少章赴臨安簿序先生作
詩送之云我宗本江南爲將門列戟中葉徙淮海
不仕但潛德先祖實起家先君始逢掖議郎爲名

士余亦忝詞客風流以及汝三通桂堂籍汝弱不
好弄文章有新格久從先生遊術業良未測武林
一都會山水富南國下有賢別駕上有明方伯干
將入砥礪腰裏就銜勒勿矜孔鸞姿不樂棲枳棘
吳中多高士往來寄老釋辯才雖物化參寥猶夙
昔投閒數訪之可得三友益少來輕別離老去重
乖隔念汝行役速惘惘意不懌道山雖云佳久寓
有飢色功名已絕意正苦婚嫁迫終從大夫議稅

駕邗溝側追蹤漢兩疏父子老阡陌先生又寄少
 儀弟詩云一隔音塵月屢遷忽收來問涕潛然棲
 遲册府吾如昨流落江村汝可憐夢裏漫成池草
 句愁來空誦棣華篇卑飛暫爾無多恨會有高風
 送上天蘇七月先生由博士遷正字八月罷正字
 依舊校對黃本書籍錫案此條從辛楣先生補是年蘇公召
 入為翰林承旨得請外郡出知潁州

元祐七年壬申先生年四十四

先生在京師春三月上巳詔賜館閣官花酒以中
 澣日游金明池瓊林院又會於國夫人園會者二
 十有六人作西城晏集詩二首春溜泱泱初滿池
 晨光欲轉萬年枝樓臺四望烟雲合簾幙干家錦
 繡垂風過忽聞花外笑日長時奏水中嬉太平誰
 謂全無象寫在羣仙把酒時宜秋門外喜參尋豪
 竹哀絲發妙音金爵日邊栖壯麗彩虹天際卧清
 深已煩逸少書陳跡更屬相如賦上林猶恨真人

足官府不如魚鳥自飛沉又作長調以金明池名
篇其卒章云念故國情多新年愁苦縱寶馬嘶風
紅塵拂面也則尋芳歸去與前詩末句意同蓋當
極盛之時已作歸與之歎嗟乎可以知先生之心
矣 先生父姑卒作李常寧暨秦夫人合葬墓誌
銘常寧以元祐三年臨軒第一卽以是年六月卒
詔賜錢卹其家天下悲之 冬十一月進南郊慶
成詩進表云伏覩皇帝陛下肇修典禮冬日之至

親有事於南郊前期之日陰雲蔽空將祀之夕月
躔畢宿於法當雨而是夜開霽特甚星月昭明明
日雨雪乃作朝野欣然歎頌之聲形於中外非二
聖有作上當天心神祇顧享何以逮此臣疎賤通
籍祕省預見熙事不勝犬馬區區之情輒將輿人
之頌撰成郊禮慶成詩二十韻隨狀上進云云又
作南郊祭告上清儲祥宮詩

錫案舊譜此條繫在四年今從辛楣先生

更

作送馮梓州序錄壯愍劉公遺事

蘇公召

入為端明殿學士禮部尚書

案大音先生鏞云先生春日寓直有懷參寥詩

云觚稜金爵自岩堯藏室春深更寂寥捫蝨幽

花欹露葉岸中高柳轉風條文書几上鬚髯變

聖鞍馬塵中歲月銷何日一筇江海上與君徐步

日看生潮亦與前詩意同

又案顏魯公新廟記搨本乃先生是年所書前

錄審明州定海主簿秘書省校對黃本書籍秦觀

書一行先生始登第除定海主簿尋調蔡州教

授元祐三年錫案當作五年除太學博士校正秘書省

書籍六年遷正字錫案六年遷正字兩月即罷當作八年為是此銜

不列教授博士等官當是省文第先生是年已

遷正字而不署豈黃本書籍即正字之所掌耶

錫案小峴先生此語亦仍舊譜之誤故云爾蓋

書新廟記實在七年而六年先生為正字兩月即罷至八年再除正字則記為尚書職方員外七年正不得兼署正字銜

郎華州曹輔撰今在山東費縣魯公祠內筆意

瘦勁深得二王遺法碑陰有米黻記文

元祐八年癸酉先生年四十五

先生在京師再除正字遷國史院編修授左宣德

郎錫案據續通鑑長編先生六年之遷正字也以趙君錫薦既而賈易詆先生不檢君錫亦有章

云臣前薦觀以其有文學今始知其薄於行願寢前薦罷觀新命而先生亦有狀辭免至是年始再

除正有辭史官表云竊以史屬之除聖朝所慎若

非承父兄之教詔世守其官則必積師友之淵源

材充厥職臣於二者實無一堪聞命若驚撫躬增

懼重念臣少而愚賤長更屯奇積累歲時尙慮人

情之未與超踰涯分豈爲物議之所容以蕞爾不

勝任之材處灼然非所居之地必招官謗上累恩

私况儒館之中資任高於臣者不少班行之內學

術過於臣者甚多與其容菲薄以濫居不若擇英

豪而改授伏望聖慈追寢新命檢會臣近申三省

除臣一外任差遣又謝館職啟曰法同博士閱五

載而遷官例比編書通三年而改秩寵靈旣逮愧

懼實深伏念某族系單寒器能淺陋少時好賦僅成童子之雕蟲中歲窮經未究古人之糟粕始策名於進士俄充賦於直言濫居方物之前叨被傳車之召文章末技固非道義之尊箕斗虛名祇取謗傷之速亟從引避幾致顛隳衰未就於袞華惡已成於瘡痍三期之內王尊乍佞而乍賢七年之中魯田一與而一奪但以偏親垂老生計屢空聊復覩顏以居未能投効而去日期沙汰分絕進升

豈期積日而累勞輒亦逢年而遇合束縕還婦雖蒙假借之私懲羹吹壘尙慮譴訶之及竊觀前史具見鄙宗西蜀中郎孔明呼爲學士東海釣客建封任以校書雖爲將相之品題實匪朝廷之選用夫何寡陋遽有遭逢此蓋伏遇某官道欲濟時仁能錫類始憐貧女稍分秦壁之光終念播臣爲激越江之水矧茲奇蹇亦與甄收敢不以古人行己之方爲國士報君之義千金敝帚聊依翰墨以自

娛一割鉛刀或冀事功之可立是時先生與黃魯直張文潛晁无咎竝列史館時人稱蘇門四學士先生以才品見重於上日有硯墨器幣之賜元日立春先生作絕句三首故事立春日翰苑供詩帖子蘇公和韻詩云詞鋒雄作楚騷寒德意還同漢詔寬好遣秦郎供帖子盡驅春色入毫端蘇公作上元扈從三絕先生亦有和詩云仗下番夷各一羣機泉如雨自續紛細看香案旁邊吏卻是

茅家大小君

是時子由爲尚書右丞

九月太皇太后高氏

崩先生作挽詞云東朝制詔九年稱烈武功高後世興坐舉不周天柱正親扶陽谷日車升班行尙想延和殿羽衛俄趨永厚陵洛水嵩峯霄漢外百官西望涕難勝是時哲宗始親政翰林學士范祖禹慮小人乘間害政上疏不報祖禹之子元實先生壻也是歲作宣德郎葛舉墓誌銘舉江陰人與先生叔父定同年而其子張仲亦先生壻也銘

曰葛以國氏其支覃亂離瘼兮遷江南崛起貳卿
諸弟參長垣詞德知不慚有地百里如子男侯挽
不來迄今談其積如京發二三有如不信銘斯鏡
蘇公復請外郡出知定州

案山谷年譜云元祐八年七月呂大防言神宗

皇帝正史限一年了畢契勘昨修兩朝正史係

差史官五員今來止有三員切慮卒難就緒欲

差前實錄院檢討官黃庭堅正字秦觀充編修

官從之又近得先生賜硯記拓本於濟河同知

黃君易據云硯藏鉅野李忠愍祠其文云元祐

八月十二日臣觀始供史職是日詔遣中使賜

李廷珪張近潘谷郭玉墨溜石硯

闕闕

盤龍麥

光紙點龍染黃越管筆後三日乃賜器幣近世

史臣唯遇開院有墨硯紙筆之賜續除者但賜

器幣而已續除備賜自臣觀始云國史院編修

左宣德郎秘書省正字臣秦觀謹記

紹聖元年甲戌先生年四十六

春三月李清臣發策試進士始有紹復熙豐之意
畢漸迎合擢首選於是執政呂大防范純仁蘇轍
范祖禹皆罷先生坐黨籍改館閣校勘出爲杭州
通判先生至汴上作一絕云俯仰觚稜十載間扁
舟江海得身閒平生孤負僧牀睡准擬於今處處
還至陳留客舍作艇齋詩御史劉拯論先生在史
館時增損實錄道貶監處州酒稅是時端明蘇公

自定州徙英州再貶惠州安置門下侍郎蘇公落
職知汝州徙袁州再謫筠州居住黃公魯直出知
鄂州再謫黔州張公文潛出知潤州徙宣州晁公
无咎謫監信州酒稅 先生到處州任題務中壁
云醅頭春酒響潺潺壚下黃翁寢正安夢入平陽
舊池館隔花螭口吐清寒

先生元祐中納侍兒朝華時年十九先生賦詩
曰天風吹月入闌干烏鵲無聲子夜闌織女明

星來枕上了知身不在人間後三年先生欲修真斷世緣遣朝華歸作詩曰月霧茫茫曉柝悲玉人揮手斷腸時不須重向燈前泣百歲終當一別離朝華既去不願嫁乃復取歸明年先生出倅錢塘至淮上因與道友歎流光迅速乃謂朝華曰汝不去吾不得修真矣復作詩遣之曰玉人前去卻重來此度分攜更不迴腸斷龜山離別處夕陽孤塔自崔嵬時紹聖元年五月十

一日先生嘗手書記此事未幾遂南竄按此則所載三詩考今集中惟存天風吹月一首又贈道流四時詩也未詳孰是

見舊譜附錄

紹聖二年乙亥先生年四十七

先生在處州頗以遊咏自適擇山下隱士毛氏故居有文英閣先生嘗寓此賦詩其遊水南庵詩二絕云竹栢蕭森溪水南道人爲作小圓庵市區收罷魚豚稅來與彌陀共一龕此身分付一蒲團靜

坐蕭蕭玉數竿偶爲老僧煎茗粥自攜修綆汲清
泉又嘗遊府治南園作千秋歲詞云水邊沙外城
郭春寒退花影亂鶯聲碎飄零疏酒盞離別寬衣
帶人不見碧雲暮合空相對憶昔西池曾鷓鷯同
飛蓋攜手處今誰在日邊清夢斷鏡裏朱顏改春
去也落紅萬點愁如海先生旣歿魯直始和此詞
其後范成大來爲處州絕愛其花影鶯聲之句卽
其地建鶯花亭陸放翁有詩云沙外春風柳十圍

綠陰依舊著黃鸝故應留與行人恨不見秦郎半
醉時

紹聖三年丙子先生年四十八

先生在處州旣罷職乃修懺於法海寺因題壁云
紹聖元年觀自國史院編修官蒙恩除館閣校勘
通判杭州道貶處州管庫三年以不職罷將自青
田以歸因往山寺中修懺日書絕句於住僧房壁
云寒食山川百鳥喧春風花雨暗川原因循移病

依香火寫得彌陀七萬言先是使者承望風指候
伺過失卒無所得至是遂以謁告寫佛書爲罪削
秩徙郴州 先生將赴湖南遣祭洞庭湖神文云
紹聖三年十月己亥朔十一日丁卯前宣義郎秦
觀敬以錢馬香酒茶菓之奠望洞庭青草湖境上
敬祭於岳州境內洞庭昭靈王青草安流王淵德
侯順濟侯忠潔侯孝烈靈妃孝感侯之神觀罪戾
不肖頃緣幸會嘗廁朝列備員儒館承乏史臣福

過災生數遭重劾蒙恩寬貸投竄湖南老母戚氏
年逾七十久抱末疾盡室幼累幾二十口不獲俱
行旣寓浙西方令男湛謀侍南來敬惟諸神皆以
威烈忠孝著在方冊廟食此方分風擘流有禱如
響觀之得罪本末諸神具知願加哀憐老母異時
經彼重湖賜以便風安然獲濟仍願神貺早被天
恩生還鄉邑觀以疾走便道不遑躬詣祠下盡此
血誠故脩薄奠以伸悃悞心切詞迫唯諸神明鑒

之先生至柳陽道中題一古寺壁二絕門掩荒
寒僧未歸蕭蕭庭菊兩三枝行人到此先腸斷問
爾黃花知不知哀歌巫女隔祠叢飢鼠相追壞壁
中北客念家渾不睡荒山一夜雨吹風歲暮抵柳
州是歲竄范祖禹於賀州

附冷齋夜話云廬山鄒亭湖廟甚靈能分風送
往來之舟秦少游南遷過廟下登岸縱望久之
歸卧舟中聞風聲側枕視微波月影縱橫追繹

昔常宿雲老惜竹軒見西湖月色如此遂夢美
人自言維摩詰散花天女也以維摩詰像來求
贊少游愛其畫默念曰非道子不能作此天女
以詩戲少游曰不知水宿分風浦何似秋眠惜
竹軒聞道詩詞妙天下廬山對眼可無言少游
夢中題其像曰竺儀華夢瘴面囚首口雖不言
十分似九天覆大千作獅子吼不如搏取妙喜
如陶家手予過雷州天寧與戒禪師夜話問少

游字畫戒出此贊爲示少游筆蹟也案覺範去先生未久其所紀必實此贊作於夢中比好事近一詞更奇惜集中不載案洪邁夷堅志載是年先生過長沙有遇義娼事又考邁所著之容齋四筆云夷堅已志載潭州義娼事謂秦少游南遷過潭與之往來後娼竟爲秦死常州教授鍾將之得其說於李結次山爲作傳予反覆思之定無此事當時失於審

訂然悔之不及矣秦將赴杭倅時有妾邊朝華旣而以妨其學道割愛去之未幾罹黨禍豈復眷戀一娼女哉予記國史所書溫益知潭州當紹聖中逐臣在其巡內若范忠宣劉仲馮韓川原伯呂希純子進呂陶元鈞皆爲所侵因鄒公南遷過潭暮投宿村寺益卽遣州都監將數卒夜出城逼使登舟竟凌風截江去幾於覆舟以是觀之豈肯容少游欸昵累日此不待辨而明

已志之失著矣

紹聖四年丁丑先生年四十九

先生在郴州 作法帖通解自序云太宗皇帝時

遣使購摹前代法書集爲十卷摹刻於板藏之禁

中大臣初登二府詔以一本賜之世號官帖自此

法帖盛行好事者又往往自爲別本大抵皆官帖

之苗裔也頃爲正字時見諸帖墨蹟有藏於祕府

者字皆華潤有肉神氣動人非如刻本之枯槁也

蓋雖官帖亦其糟粕耳又當時奉詔集帖之人苟

於書成不復更加研考頗有僞蹟濫廁其間至於

標題次序乖錯逾甚士大夫以字畫小技莫有論

次之者投荒索居無以解日輒以其灼然可考者

疏記之云 先生在郴州作阮郎歸詞云湘天風

雨破寒初深沈庭院虛麗譙吹罷小單于迢迢清

夜徂鄉夢斷旅魂孤崢嶸歲又除衡陽猶有雁傳

書柳陽和雁無又作踏莎行詞云霧失樓臺月迷

津渡桃源望斷無尋處可堪孤館閉春寒杜鵑聲
裡斜陽暮驛寄梅花魚傳尺素砌成此恨無重數
郴江幸自遶郴山爲誰流下瀟湘去黃魯直跋此
詞云絕似劉夢得楚蜀間詩坡公亦絕愛此詞尾
兩句自書於扇曰嗟乎少游已矣雖萬人何贖
是歲范純仁謫永州呂大防謫循州卒於虔州劉
摯卒於新州梁燾卒於化州程頤編管涪州范祖
禹自賀州徙賓州蘇軾自惠州徙瓊州先生自郴
州奉詔編管橫州感而作冬蚊之詩

案大音先生鏞云子瞻海外注易傳荆公退居
作字說先生於流離播遷時作法帖通解古人
不肯輕擲歲月類如此

元符元年戊寅先生年五十

先生自郴州赴橫州 五十自壽作反初古詩一
首昔年淮海末邂逅安期生謂我有靈骨法當游
太清區中緣未斷方外道難成一落世間網五十

換嘉平夜參半不寢披衣涕縱橫誓當返初服仍
 先謝諸彭晞髮陽之阿舖餒太和精心將虛無合
 身與元氣并陟降三境中高真相送迎琅函紀前
 示績金蒲錫嘉名耿光動寥廓不借日月明故棲黃
 埃裏絕想空復情既至橫州荒落愈甚寓浮槎
 館居焉城西有海棠橋案若舫先生鈞儀云明一
 統志載黃州府海棠橋題
 此詞橋南北皆有海棠書生祝姓者居之先生嘗
 非是醉宿其家明日題其柱云喚起一聲人情衾冷夢

寒窗曉瘴雨過海棠開春色又添多少社甕釀成
 微笑半缺柳瓢共昏覺傾倒急投牀醉鄉廣大人
 間小此詞刻於州志海棠橋至今有遺跡云作
 寧浦書事六言詩揮汗讀書不已人皆怪我何求
 我豈更求榮達日長聊以銷憂魚稻有如淮右溪
 山宛似江南自是遷臣多病非關此地烟嵐南土
 四時盡熱愁人日夜俱長安得此身作石一齊忘
 了家鄉洛邑太師奄謝龍川僕射云亡他日巋然

獨在不知誰似靈光

文彥博呂大防皆卒於去歲故此章及之

身與杖

藜為二對月和影成三骨肉未知消息人生到此

何堪寒暑更拚三十同歸滅盡無疑縱復玉關生

入何殊死葬蠻夷是歲范祖禹自賓州再徙卒

於化州善本言韓耽於化州書不曰人皆謂其於化

附王濟著日詢手鏡云橫州海棠橋長百餘尺

皆以鐵力為材宋時所建者其地建亭亦名海

棠亭數年前建業黃琮守州改為淮海書院余

嘗至訪遺蹟有壞碑數通漫滅不可讀後一小

碑仆於地拂拭觀之乃刻晁无咎像也云晁嘗

不遠萬里來訪淮海故存其刻云則非刻於其

元符二年己卯先生年五十一

先生自橫州徙雷州先是子由自筠州徙雷州是

時已改循州故不相及而子瞻尚在瓊州瓊雷隔

海而實近子瞻寄子由詩云莫嫌瓊雷隔雲海聖

恩尚許遙相望故先生至是復得與蘇公通問不

至寂寂如橫州時矣先生作雷陽書事三首又作
海康書事十首其一章云白髮坐鉤黨南遷海瀕
州灌園以餬口身自雜蒼頭籬落秋暑中碧花蔓
牽牛誰知把鋤人舊日東陵侯其三章云卜居近
流水小巢依嶽岑終日數椽間但聞鳥遺音鑪香
入幽夢海月明孤斟鷓鴣一枝足所恨非故林其
五章云粵女市無常所至輒成區一日三四遷處
處售蝦魚青裙腳不韞臭味爰與狙孰云風土惡

白州生綠珠其七章云粲粲庵摩勒作湯美無有
上客賦驅駒玉奩開素手那知蒼梧野棄置同芻
狗荆山玉抵鵲此事絲來久其卒章云合浦古珠
池一熟胎如山試問池邊蟹云今累年閒豈無明
月珍轉徙溟渤間何關二千石時至自當還先生
每有諷咏輒自作書因便寄瓊州蘇公謂其少子
過曰秦少游張文潛才識學問爲當世第一無能
優劣二人皆辱與余遊同升而并黜有自雷州來

者遞至少游所惠書詩累幅近居蠻夷得此如在
齊聞韶也公又跋先生書云少游近日草書便有
東晉風味作詩增奇麗乃知此人不可使閒遂兼
百技矣技進而道不進則不可少游乃技道兩進
也

元符三年庚辰先生年五十二

先生在雷州 正月哲宗崩皇弟端王佶卽位向

太后臨朝韓忠彥相 先生於是歲之春作挽詞

曰嬰釁徒窮荒茹哀與世辭官來錄我橐吏來驗
我屍藤束木皮棺藁葬路傍陂家鄉在萬里妻子
天一涯孤魂不敢歸惴惴猶在茲昔忝柱下史通
籍黃金閨奇禍一朝作飄零至於斯弱孤未堪事
返骨定何時脩途繚山海豈免從闍維荼毒復荼
毒彼蒼那得知歲晚瘴江急鳥獸鳴聲悲空濛寒
雨零慘淡陰風吹殞宮生蒼蘚紙錢掛空枝無人
設薄奠誰與飯黃緇亦無挽歌者空有挽歌詞自

序云昔鮑昭陶潛皆自作哀詞其詞哀讀余此章乃知前作之未哀也五月下赦令遷臣多內徙蘇公量移廉州寓書來云頃得移廉之命治裝十日可辦但須得泉人許九船卽牢穩可恃餘蟹船多不堪而許見在外邑未還須至少留待之約此月三十五六間方可登舟竝海岸行一日至石排相風色過渡一日至遞角場但相風難克日耳有書託吳君僱二十壯夫來遞角場相等若得及見少

游卽大幸也至六月二十五日蘇公與先生相會於海康先生因出自作挽詞呈公公撫其背曰某嘗憂逝未盡此理今復何言某亦嘗自爲誌墓文封付從者不使過子知也遂相與嘯咏而別初先生謁公彭門詩有云更約後期游汗漫蓋識於此云先生旣別公無何被命復宣德郎放還於是作歸去來兮詞一篇和陶元亮其詞曰歸去來兮眷眷懷歸今得歸念我生之多艱心知免而猶悲天

風飄兮余迎海月炯兮予追省已空之憂患疑是
夢而復非及我家於中途兒女欣而牽衣望松楸
而長慟悲心極而更微升沉幾何歲月如奔嗟我
宿昔通籍壁門賜金雖盡給札尙存愧此散木繆
爲犧尊屬黨論之云興雷霆發乎威顏淮南謫於
天庖予小子其何安歲七官而五譴越鬼門之幽
關化猿鶴之有日詎國光之復觀奚明之生東釋
纍囚而北還醜天漢而一洗覺宇宙之隨寬歸去

來兮請逍遙於至游內取足於一身復從物兮何
求榮莫榮於不辱樂莫樂於無憂鄉人告予以有
年黍稷鬱乎盈疇止有弊廬泛有扁舟濯余足兮
寒泉振予衣兮古丘洞胸中之滯礙渺雲散而風
流識此行之匪禍乃造物之餘休已矣哉桔槔俯
仰無幾時舉觴自屬聊淹留汝今不已將安之封
侯已絕念仙事亦難期依先塋而灑掃從稚子而
耘耔修杜康之廢祠補由庚之亡詩爲太平之幸

老幅巾待盡更奚疑先生於是寓書廉州且云傳
言未果公報書云海外孤老志節朽敗何意復接
平生欽友伏閱妙迹凜凜有生意幸甚前所聞果
的否若信然得文字後亦須得半月乃行自此徑
乘蜃船至徐聞出路不知猶及一見否示諭二范
之賢不惟喜公得壻小范且以慶吾友夢得之有
子爲不死也言之淚落不已兒子過蒙許與恐不
副所期實能躬勞辱以佚厥考爾令子想大成曾

寄所作來否借一二亦佳文潛无咎得消耗否魯
直云宣義監鄂酒吳子野自五羊來云温公贈太
尉曾子宣右揆的否未可知也廉州苟得安居取
小子一房來終焉可也生如暫寓亦何所擇果行
衝冒慎重先生遂以七月啟行而歸踰月至藤州
尙無恙因醉卧光化亭忽索水飲家人以一盂注
水進先生笑視之而卒實八月十二日也先是先
生嘗於夢中作好事近詞一闋云春路雨添花花

動一山春色行到小溪深處有黃鸝千百飛雲當
面化龍蛇天矯轉空碧醉卧古藤陰下了不知南
北至是卒於藤州人皆以爲詞讖方是時蘇公復
自廉州內徙永州旣就道未至藤州十日聞訃驚
悼因與友人書曰某與兒子八月二十九日離廉
九月六日到鬱林七日遂行初約留書歐陽晦夫
處忽聞秦少游凶問留書不可不言欲言又恐不
的故不忍下筆今行至白州見容守之猶子陸齋

郎云少游過容留多日飲酒賦詩如平常容守遣
般家二卒送歸衡州至藤傷暑困卧至八月十二
日啟手足於江亭上徐守甚照管其喪仍遣人報
范承務范自梧州赴其喪此二卒申知陸守者止
於如此其他莫知其詳也然其死則的矣哀哉痛
哉何復可言當今文人第一流豈可復得此人在
必大用於世不用必有所論著以曉後人前此所
著已足不朽然未盡也哀哉哀哉其子甚奇俊有

父風唯此一事差慰吾輩意某不過旬日到藤可
以知其詳續奉報次既而公又與李端叔書曰某
六十五矣體力毛髮正與年相稱或得復與公相
見亦未可知已前者皆夢已後者獨非夢乎置之
不足道也所喜者海南了得易書論語傳數十卷
似有益於骨朽後人耳目也少游遂死於道路哀
哉痛哉世豈復有斯人乎端叔亦老矣追云鬚髮
已皓然顏極丹且渥僕亦如此耳各宜悶齋庶

復相見也嗟乎觀公二書可以知公矣可以知先
生矣是歲處度公湛自旅次匍匐來奔扶櫬北還
案大音先生鏞云宋史及家譜皆言先生年五
十三卒譜又以爲是建中靖國元年而不載月
日及考蘇集乃知爲八月十二日既係八月則
其非建中靖國甚明矣蓋蘇公實以改元七月
二十八日卒於常州使先生後公十五日死則
蘇公已前死矣又安得悲傷道路涕淚筆札且

取其詩詞墨蹟而讚歎之箋注之也哉再取蘇黃諸別集一一取證則元符庚辰之八月爲先生觀化之期了無可疑鑄旣與家弟鏜反覆校勘遂斷然命筆更定前譜又以蘇黃二先生之書次第附列要以見古人文章道義之交至生死患難尤勤倦若此者微獨傳信示子孫而已亦使天下後世之君子得以覽觀焉

徽宗建中靖國元年辛巳

處度公湛奉先生靈櫬停殯於潭州三月二十一日蘇公跋先生好事近詞云少游昔在虔州嘗夢中作此詞供奉官莫君沔居湖南喜從遷客游尤爲呂元鈞所稱又能誦少游事甚詳爲余道此詞至流涕乃錄本使藏之其後魯直又跋云少游醉卧古藤下誰與愁眉唱一杯解作江南斷腸句只今唯有賀方回蘇公手錄先生挽詞書其後云庚辰歲六月二十五日余與少游相別於海康

意色自若與平日不少異但自作挽詞一篇人或
怪之余以爲少游齊生死了物我戲出此語無足
怪者已而北歸至藤州以八月十二日卒於光化
亭上嗚呼豈亦自知當然者耶 是歲黃魯直辭
免吏部郎待命荆南作荆江亭卽事詩其一云閉
門覓句陳無已對客揮毫秦少游正字不知温飽
未西風吹淚古藤州蓋仿杜詩存沒絕句篇中一
存一沒時先生沒而無已存也 七月二十八日

前端明殿學士蘇公卒於常州時年六十六張文
潛時爲潁州聞蘇公卒爲舉哀行服坐落職安置
黃州 十二月陳無已師道卒無已以正字入館
未幾以寒得疾樓異世可時爲登封令夜夢無已
見別行李遽甚樓問是行何之曰暫往杏園東坡
少游諸人在彼已久樓起視事而得參寥子報云
無已逝矣無已操行高潔與李方叔廌晚遊蘇門
次於四公世稱六君子云

崇寧元年壬午

詔立黨人碑於端禮門先生與焉右正言鄒浩
 竄昭州哲宗朝浩諫立后竄新州召還至是復竄
 浩作夢少游先生詩曰淮海維揚第一流三關齊
 透萬緣休真心豈復隨灰劫遺骨猶然寄橘洲專
 為流通深歎賞莫相鈍置豁愁憂覺來欲語無人
 聽屋角熒熒空斗牛蓋是時先後竄粵西者唯先
 生與鄒忠公二人而已是歲處度公湛守制於

潭州

崇寧二年癸未

黃魯直再謫宜州道經長沙遇處度公湛暨范元
 實贈詩五首昔在秦少游許我同門友掘獄無張
 雷劍氣在斗牛今來見令子文似前哲有何用相
 澆潑清江淥如酒范公太史僚山立乃先達發揮
 百代史管以六經轄投身轉嶺海就木乃京洛仲
 子見長沙且用慰飢渴秦郎水江漢范郎器鼎鼐

逝者不可尋猶喜二子在相逢唾珠玉貧病問薪
 菜豫愁帆風船目極別所愛往時高交友宰木已
 縱縱今我二三子事業在燈窗秦范波瀾濶笑陸
 海潘江願茲秉經術出仕榮家邦少游五十策其
 言明且清筆墨深關鍵開闔見日星陳友評斯文
 如鐘磬鼓笙誰能續鳳鳴洗耳聽兩甥

案舊法云秦范相謂甥疑處度公亦范氏婿也又案元實祖禹仲子先生易簣時范承務來視其喪疑卽元實之兄意祖禹卒於化州二范奔赴亦遂流寓無常故得相從於此耶蘇公答先生書亦稱二范之賢合此詩觀

之一時故人悽愴
 之懷千載如見
 詔黨人子弟毋得至闕下令州

縣立黨人碑詔毀范祖禹唐鑑蘇軾黃庭堅秦觀

文集

案大音先生鏞云先生文集其見於自序者止
 閑居集十卷策論五十篇然此皆元祐以前作
 據宋史淮海集四十卷詩餘一卷今行世者卷
 帙雖不加少疑非當日之全書意當日所毀必
 有不盡於是者

崇寧三年甲申

魯直和先生千秋歲詞題曰少游得謫嘗夢中作
詞云醉卧古藤陰下了不知南北竟以元符庚辰
死於藤州光化亭上崇寧甲申庭堅竄宜州道過
衡陽覽其遺墨始追和其千秋歲詞苑邊花外記
得同朝退飛騎軋鳴珂碎齊歌雲遶扇趙舞風回
帶巖鼓斷杯盤狼籍猶想對灑淚誰能會醉卧藤
陰蓋人已去詞空在兔園高會悄虎觀英游改重

感慨波濤萬頃珠沉海又魯直和先生梅花詩題
云花光仲仁出秦蘇詩卷思兩國士不可復見開
卷絕歎因花光爲我作梅數枝及畫烟外遠山追
少游韻記卷末夢蝶真人貌黃槁籬落逢花須醉
倒雅聞花光能畫梅更乞一枝洗煩惱扶持愛梅
說道理自許牛頭參已早長眠橘洲風雨寒今日
梅開向誰好何況東坡成古止不復龍蛇看揮掃
我向湖南更嶺南繫船來近花光老歎息斯人不

可見喜我未學霜前草寫盡南枝與北枝更作千

峰倚晴昊

舊注橘洲在湘江中因先生藁殞長沙故有長眠橘洲之語

是時魯

直又有絕句詩題云余去歲在長沙數與處度元

實相從把酒自過嶺來不復有此樂感歎之餘戲

成一絕詩不復錄

崇寧四年乙酉

詔除黨人父兄弟之禁於是處度公奉先生喪

歸葬於廣陵道謁張文潛於黃州文潛為文以祭

焉其詞曰維崇寧四年歲次乙酉閏月某日甲子

具位張耒謹以家饌清酒遣男和敬祭於亡友少

游學士之靈嗚呼少游淮海之英自其少時文章

大有聲脫畧等輩論交老成衆譽歸之誰敢改評聿

來秘書亦既飛鳴脫身亟去事變隨生嗚呼位不

過正字年不登下壽間關憂患橫得罵詬竄身瘴

海隕仆荒陋君孤奉喪歸葬廣陵拜我於黃尚存

典刑會葬撫孤我窮不能具此菲薄聊致鄙誠隻

雞斗酒懷想平昔嗟我少游尙肯來食尙饗是
歲九月三十日魯直黃先生卒於宜州年六十一
崇寧五年丙戌登不壽聞關憂患辭歸里居良載
詔毀黨人碑飛詔孤良亟去事變則主無也並不
大觀元年丁亥輩歸交李如泉譽稱之謂頗如精車
張文潛跋先生投呂正獻公卷云予見少游投卷
多矣黃樓賦哀罇鍾文卷卷有之豈其得意之文
與少游平生爲文不多而一一精好可傳在嶺外

亦時爲文自爲輓詩一章殊可悲也此卷是投正
獻公者今藏居仁處居仁好其文出以示余覽之
令人愴恨大觀丁亥中春張耒書

大觀二年戊子

大觀三年己丑

大觀四年庚寅

是歲晁公无咎卒於泗州年五十八

案晁公卒後二年壬辰參政子由蘇公右史文

潛張公竝卒子由年七十四文潛年六十一

政和元年辛卯至政和七年丁酉 凡七年

大處度公湛通判常州遷葬先生於無錫惠山西三

大里之璨山宋張理秦太虛墓詩云九峯朝暮雲搖

大落少游墳野蔓碑全沒晴庵磬亦聞洞偏泉路細

松折鶴巢分高視太湖近雲濤鷗起羣又元柳貫

璨山詩云明陽觀後慧山前新營堂館貯風烟藤

陰不蔽淮海墓茶井遙連桑苧泉好景正須多領

畧佳辰且復少流連劉伶一鋪太早計卻要冥靈

受大年又明朱昇過秦淮海墓詩云起塚錫山隅

藤州旅櫬歸死生應不愧用舍自多違薜荔山靈

泣松林野鶴飛墓門荒草合樵牧遍斜暉

案舊譜止云政和間遷葬不註何年今不敢妄

定又崇寧四年已歸葬廣陵矣今豈從廣陵遷

葬於此耶據錫山志其墓有誥命碑記歲久湮

沒今僅存龍圖墓三字碑以識其處云又案先

生祭洞庭神文云母年七十令湛謀侍南來其
 後未詳太夫人以何年卽世及到郴州與否豈
 以先生遠竄寧浦遂不復從耶先生歸去來兮
 詞云及我家於中途亦未審何地豈處度公流
 寓長沙已久故遂迎櫬藁殯於是耶凡此類多
 不可考姑闕之要之處度公間關數千里歷十
 數年之久卒能扶櫬以歸卜壤善地可謂不負
 蘇黃兩先生之期許者矣至若少章少儀兩先

生隱者以何年仕仕者以何年歸皆莫得而詳

焉惜哉

崇和元年戊戌

宣和元年己亥至宣和七年乙巳

凡七年

欽宗靖康元年丙午

高宗建炎元年丁未

建炎二年戊申

建炎三年己酉

建炎四年庚戌

詔追贈先生直龍圖閣與黃公庭堅張公耒晁公
補之四人同命詞云勅故宣德郎秦觀等自熙寧
大臣用事變法始以異同排斥士大夫維我神祖
念之不忘元豐之末稍稍收召接於元祐英俊盈
朝而爾四人以文采風流爲一時冠學者欣慕之
及繼述之論起黨籍之禁行而爾四人每爲罪首
則學者以其言爲諱自是以來縉紳道喪綱紀日

墮馴至宣和之亂言之可爲痛心肆朕纂承旣從
昭洗今爾四人復加褒贈斯足以見朕志矣嗚呼
西清之遊書殿之選唯爾曹爲稱使生而得用能
盡其才亦何止於是歟舉以追命聊伸賫志之恨
亦以少慰天下士大夫之心英爽不忘歆此休顯
是歲建亭墓下刻誥辭及山谷送少章先生詩
置於亭中先生卒庚辰至是庚戌凡二十年始蒙
卹贈

置於亭中

置於亭中

置於亭中

置於亭中

置於亭中

置於亭中

置於亭中

置於亭中

六年譜補案 同治癸酉八修宗譜謹識

皇祐元年 先世居江南中徙維揚為高郵州武凝

鄉左廂里人 謹案高郵邑志沿革由漢至宋皆

置縣或為軍不屬揚州東坡墨妙亭記稱高郵縣

孫莘老譜內州當作縣

熙甯三年 叔父定登葉祖洽榜進士第譜案高郵

譜定仕至端明殿學士 謹案李燾長編元祐八

年右朝奉郎司農寺丞秦定為江南東路轉運判

官元符元年十月鄧棐言新除京東路轉運判官
秦定緣姪觀與蘇軾蘇轍厚善遂權監司乞罷新
命詔定知濠州定歷任附錄於此士策譜案高
至和元年譜案王君觀從弟名觀而先生之季弟
亦名觀為謹案宋史先生弟觀觀皆能文淮海集
詩題一云觀觀二弟作小室一云寄觀觀二弟蓋
星觀非季弟也

元祐三年案譜案先生有對淮南詔獄詩未詳年月

謹案津逮祕書周益公題跋內載先生銀杏帖
有云觀去歲入京遭此追捕又云家叔已赴濱州
渤海知縣祖父在彼幸安據此淮南詔獄當在叔
父定改官後承議公未卒前

政和元年 處度公湛通判常州遷葬先生於惠山
西三里之璨山 謹案李之儀姑溪集祭先生文
云子之孤執徐夫人之喪來訃於余將遷子之柩
合葬於惠山之陰據此則璨山之墓誠不足信小

MICROFILMED

先生濟海... 在泰山之... 以介

